


**Hipocrita y sin sinceridad:
MIKE A MATA PENSIOEN
CU 4 PRIK DI EUTANASIE,
AWOR E KIER SALBE ?**



**TERREMOTO DI 7.4 A
SACUDI TAIWAN LAGANDO
MORTO Y HERIDO**



**CONTRARIO NA ALGUN MENTIROSO: TIN
LEY PA DUNA CASTIGO DI PRISON NA
AUTOR DI ABUSO DI CACHO**



**A FIRMA UN ACUERDO CU KONINKLIJKE
NEDERLANDSE BASEBALL AND SOFTBALL BOND**

Team Kingdom of The Netherlands lo hunga na Aruba dia 29 di october pa
4 di november 2024.



POLIS A HABRI INVESTIGACION DEN CASO DI ABUSO DI CACHO Y E TA ANDANDO

SOLO DI PUEBLO a ricibi confirmacion di Ministerio Publico, cu e caso di maltrato di cacho unda e cacho a fayece no a bay den doofpot manera algun persona a specula. Ministerio Publico a bisa cu e caso a cuminza,

pues a habri investigacion. E denuncia a wordo tuma. Polis a tuma aangifte. Polis a cuminza cu nan investigacion. Una vez nan cla, nan lo entrega e resultado "eind proces

verbaal" na OM y fiscal lo tuma decision contra e persona aki. Pues tin ves nos tur kier mira accion rapido, pero no tur ora esey ta posibel, pasobra husticia mester tene cuenta cu varios factor.

Minister Maduro di Finansa ta informa: COMPANIA DI RATING STANDARD AND POOR'S TA 'UPGRADE' ARUBA SU RATING DI 'STABLE' PA 'POSITIVE'



Recientemente Minister Maduro di Finansa a haya e grato noticia cu e compania di rating Standard and Poor's (S&P) ta 'upgrade' Aruba su rating di 'stable' pa 'positive' despues di haci nan evaluacion

financiero di Aruba na februari ultimo. Esaki ta un bon noticia cu ta complementa e bon noticia ricibi di e compania di rating Fitch kende tambe a 'upgrade' Aruba su rating di 'stable' pa 'positive.'

Den su rapport S&P ta menciona cu tin un chens grandi, di 1 entre 3, cu e rating di Aruba lo bay conoce un subida tambe den e aña nos dilanti. Esaki ta un hopi bon noticia, ya cu ta muestra di e recuperacion di Aruba su credibilidad financiero den gran forma.

Mester menciona cu S&P mescos cu Fitch ta reconoce e trabou

serio y grandi cu a wordo haci pa Gobierno di Aruba pa atende cu e retonan financiero di Aruba, na unda cu ta sali foi un situacion di deficit pa produci surplus, y ta percura pa baha e presion di e debe riba e finansa publico di Aruba.

Minister Maduro ta gradici e team di S&P, e team di Aruba lidera pa Departamento di Finansa y tur otro instancia y persona cu tabata involvi pa a haci e evaluacion financiero y economico aki di Aruba un realidad. E rapport por wordo mira via <https://disclosure.spglobal.com/ratings/en/regulatory/article/-/view/type/HTML/id/3140662>

19-Mar-2024 | 15:17 EDT

Aruba Outlook Revised To Positive From Stable On Stronger Economy; 'BBB' Rating Affirmed

Overview

- Aruba's economy has substantially surpassed its pre-pandemic level and we expect it will continue to strengthen over the next several years, although we believe growth will moderate.
- The strong economy will support fiscal improvement, and we forecast the government will achieve small fiscal surpluses over the forecast horizon.
- As a result, S&P Global Ratings revised the outlook to positive from stable and affirmed its 'BBB' long-term and 'A-2' short-term foreign and local currency sovereign credit ratings on Aruba. The transfer and convertibility assessment is unchanged at 'BBB'.

ACCIDENTE DI CADENA NA SER'I TEISHI A TRANCA E TRAFICO MAINTA RIBA "GREEN CORRIDOR"



Diamars mainta ora cu un oficial di trafico tabata bayendo trabao a bin topa cu un accidente di cadena na Ser'i Teishi, mesora a ela para atende e accidente aki ya cu e

trafico a pega formalmente bayendo pabao. Ta trata aki di un accidente unda 3 auto tabata involvi pero afortunadamente ningun hende herida.



Hipocrita y sin sinceridad:

MIKE A MATA PENSIOEN CU 4 PRIK DI EUTANASIE, AWOR E KIER SALBE ?

Ta remarcabel cu den e ultimo dianan Mike Eman a lanta for di graf pa bin haci promesa grandi atrobe na pueblo di Aruba. Aparentemente e no por laga su mal maña di ganador. Awor e kier haci promesa di lo subi pensioen. Ensi un bon gesto, pero saliendo di Mike, e no ta nada otro cu mentira y busca forma pa gana voto.

Su track record ta muestra cu tur loke la priminti, e no a haci. El'a keda 8 aña na poder, e no a subi nada, solamente horta pueblo pa

enrikece su amigonan. El'a gaña mescos cu lo elimina bbo, sinembargo el'a haye na 3 y bay lage na 6.

Na 2014 el'a bay dialogo cu varios sindicatonan aliado di AVP y nan tur, hunto cu Valdez di OPA a manda 4 prik di eutanasie y a mata e pension morto morto.

Djey a subi e edad te pa 65 aña! Pues, Mike te sorto di politiconan sinberguena cu ta biba pa gaña pueblo.

Di otro banda por constata cu Gobierno di MEP si a



subi e pension desde 2017 cu 15%. Pensionadonan ta hayando 15% mas den comparacion cu 2017. Tin signalnan cu pa fin di e aña aki, lo por spera aun otro aumento.

AUMENTA E DEBE, BIRA SINTERKLAAS, y despues grita: Page cu orguyo! Loco deremate!!

Ta manda un alerta pa pueblo, pa pagatino cu e locuranan di Mike, pasobra e ta capas di

TERREMOTO DI 7.4 A SACUDI TAIWAN LAGANDO MORTO Y HERIDO

Un terremoto pisa di magnitud 7.4 a sacudi Tawain diamars anochi ora di Aruba, pa cual e momento ey tabata ya caba diaranson mainta na Taiwan.

E terremoto a laga masha hopi daño na edificionan y tambe carretera. Esaki mesora a produci alarma di tsunami pa costa di Asia.

Segun autoridad, cu e replicanan tabata mas intenso aun. E parti mas afecta ta Hualien, cual te punto mas cerano di e epicentro di e sismo.

Medionan a muestra

varios foto unda por mira edificionan colga den banda. Varios edificio a collaps den banda, pero no a cay.

Tur cos den cas tabata bula. Carretera tabata comosifuera bailando, pues literalmente Taiwan a wordo sacudi cu forsa.

Hendenan tabata core sali pafor. Otronan a keda atrapa, pero a logra sali.

Servicionan Geologico a informa cu ta trata di 7.4 pa 7.5.

E epicentro tabata na 18 kilometer sur di Hualien, cu un profundidad di 34,8



km. E terremoto wordo sinte na henter Taiwan. Na september 1999 a pasa un terremoto di 7.6 cual a mata 2400 persona.

ARUBA AIRPORT Y ARUBA TOURISM AUTHORITY A ELEVA NAN PRESENCIA DURANTE ROUTES AMERICAS 2024 CONFERENCE NA BOGOTA

Orguyosamente Aeropuerto di Aruba ta participa den e di 17 edicion di e conferencia Routes Americas 2024. Ta trata aki di un oportunidad esencial pa topa e industria di aviacion di henter e continente Americano. E evento a tuma luga for di 19 pa 22 di maart na Bogota, Colombia. E conferencia a reuni diferente stakeholder clave di henter e region di America, fomentando conexion y colaboracion di gran balor.

Algo cu sigur a destaca pa Aeropuerto di Aruba e aña aki ta e echo cu Aruba Tourism Authority (A.T.A.) a uni na e evento, marcando un echo historico pa aeropuerto su di 28 biaha atendiendo Routes Conferences. E colaboracion cu A.T.A. a permiti un representacion integral pa Aruba, brindando e aerolineanan asocia un vision amplio di e ofertanan di Aruba, e esfuersonan realisa pa e ruta y e potencial na momento cu explora asociacion y ruta nobo.

“Door di incorpora e experiencia y conocimiento di e ekipo di Aeropuerto di Aruba y di ATA bou e mesun dak den un stand strategicamente bon ubica tabata un bon strategia”, asina Barbara Brown, Chief Revenue Development & Communications Officer na Aeropuerto di Aruba, a duna di conoce. “E esfuerso conhunto a duna nos e oportunidad pa brinda nos aerolineanan asocia un spectrum completo di informacion, for di e instalacionnan y desaroyo di aeropuerto te cu e inventario di camber di hotel y e esfuersonan di mercadeo, facilitando p’asina nan por tuma decision a base di informacion”.

“Nos colaboracion durante Routes Americas 2024 a demonstra e compromiso firme di Aruba pa

genera un coordinacion y traha sin problema pa un futuro strategia pa nos destinacion. Cu un vision y experiencia comparti, nos a eleva e imagen di Aruba, garantizando cu nos mercadonan ta bon conecta y ofreciendo e facilidad di biahe desea pa nos clientenan”, asina Sanju Luidens, Chief Marketing Officer na Aruba Tourism Authority, a expresa.

Aeropuerto di Aruba y Aruba Tourism Authority a presenta cu masha orguyo e stand na Routes Americas 2024, di e manera aki marcando e prome bes den e di 28 Routes Conference desde e añanan 90, cu un colaboracion di e tipo aki a tuma luga den e conferencia. E stand aki a fungi como un centro di informacion, demostrando e beyesa incomparable di Aruba, e diferente atraccionnan y un experiencia perfecto di biahe.

E delegacion di Aruba na Routes Americas 2024, representando Aeropuerto di Aruba, tabata encabesa pa Barbara Brown, conhuntamente cu Jo-Anne Meaux-Arends, Aviation Business Development Executive y MaryJoan Wardlaw, Customer Relationship Officer. E team di ATA tabata forma pa Sanju Luidens, Chief Marketing Officer, Sjeidy Feliciano, Area Director North America y Jordan Schlipken-Croes, Area Director Latin America. Hunto nan a añadi nan experiencia di mercadeo di destinacion na e colaboracion.

Durante e conferencia, e delegacion di Aruba a participa den mas cu 22 reunion productivo cu e aerolineanan estableci y emergente, como tambe cu varios diferente aeropuerto clave manera Guarulhos Airport y Rhode Island Airport Corporation. E reunionnan a inicia e formacion di asociacionnan nobo



y interesante cu e lidernan di e industria, incluyendo GOL, Flair Airlines, Breeze, Alaska Airlines y JetSMART.

“E compromiso di Aeropuerto di Aruba pa fomenta asociacionnan significativo a keda reenforza danki na e reconocimiento special otorga na e aerolineanan asocia”, asina Jo-Anne Meaux-Arends, Aviation Business Development Executive di AAA, a expresa. A honra JetBlue, British Airways y Wingo debi na nan contribucionnan excepcional na e conexion aereo y na e experiencia di e pasaheronan di Aruba”.

A celebra JetBlue mirando cu nan a logra e participacion mas grandi den mercado (20%), cu aumento notabel den e capacidad di asiento di Boston (10%) y JFK (5%). Wingo, reconoci como e aerolinea cu mas lihe a crece den America Latino, a demonstra un crecimiento notabel den pasahero cu ta genera ingreso y capacidad di asiento pa Aruba. British Airways a ricibi un reconocimiento special como celebracion di nan prome aña operando e ruta di London Gatwick - Aruba, mehorando e conexion entre ambos destinacion.

E participacion di Aeropuerto di Aruba y Aruba Tourism Authority na Routes Americas 2024 ta subraya e compromiso pa impulsa crecimiento como tambe e exito di e sector di aviacion di Aruba,



fortaleciendo e posicion di Aruba como destinacion principal den America.

Tocante AUA Airport

AUA Airport ta un di e aeropuertonan mas ocupa den region Caribe cu mas di 26 diferente aerolinea operando pa Aruba contribuyendo na mas cu 2.8 miyon pasahero pa aña y cu buelonan pa 31 diferente ciudad 45 diferente destinacion non-stop rond di mundo. Di e mercadonan cu AUA Airport ta sirbi 77% ta for di Merca y Canada, 15% for di Latino America, 4% for di Europa y 4% for di Antia Hulandes te cu luna di januari 2024. AUA Airport ta reconoce cu esaki ta danki na e economia stabiel, clima politico, hospitalidad, poblacion diversifica y siguridad general di nos isla. AUA Airport su aspiracion ta pa bira un aeropuerto sostenibel, sigur y a prueba di futuro, den region Latino Americano & Caribense, brindando un luga di trabou confiabel, facilidad di un aeropuerto moderno y un servicio excelente cu ta e refleha hospitalidad Arubiano, contribuyendo na un futuro prospero pa Aruba.

Haya sa mas di loke ta pasando na AUA Airport door di bishita www.airportaruba.com y conecta cu AUA Airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaaairport](https://instagram.com/arubaaairport)

CONTRARIO NA ALGUN MENTIROSO: TIN LEY PA DUNA CASTIGO DI PRISON NA AUTOR DI ABUSO DI CACHO




Algun medio di comunicacion insincero cu pueblo, kier mal informa cu no tin ley pa cera e abusador di cacho. E ponencia aki ta falso. SOLO DI PUEBLO ta confirma cu den buki di ley di straf, tin na artikel 2.335 poni claramente cu tur esnan cu descuida un cacho, por haya castigo di prison di 6 luna.

Awor cu 6 luna ta mucho tiki, esey ta un otro discucion. Cu mester subi'e, ta sigur. Pero no por pretende cu no tin ley of cu polis ta man mara. Nos ta repudia e reporteronan instigador cu tur dia kier mal informa.

Por a compronde tambe



cu Alberto Groeneveld ya di polis pa wordo interroga. lora y esun cu a descuida mester rindi cuenta na caba a presenta na warda Pues e bala a cuminza e cacho te cu el'a fayece, husticia.



The Aruba Ports Authority N.V. is publicly tendering:

Replacement of an insulated roof at Oranjestad harbor. According to the tender document:

“New roof installation Terminal 1 at Oranjestad harbor.”

Short Project description:
Replacement of +/- 1,071.4 sqm of Insulated roof panels.

Execution period:
30 workable days.

Project time frame:
June 26 up to august 9 2024. Working hours. Monday through Saturday from 07:00 am to 12:00 am

Project management:
Aruba Ports Authority N.V.
The validity proposal period is 60 days.

The tender documents will be available from **April 3, 2024 up to April 9, 2024** at the main office of the Aruba Ports Authority N.V. or via E-mail against a payment of Afl. 250,00.
Office hours are from Monday to Friday, from 8:00 am to 12:00 pm and 1:00 pm to 4:30 pm.
The tender documents can also be requested digitally via email info@arubaports.com or michael.koolman@arubaports.com by sending a proof transfer with your email request between April 3, 2024, up to April 9, 2024 (Cutoff time on the 9th will be 6:00pm).

Bank information:
CMB acc. Nr. 152 67 105 | **AB** acc nr.12 87 10 | **RBC** acc nr.305 49 42
with the description: TOR project nr. 2404-1

The tender documents are available for your perusal from **April 3, 2024**, up to **April 8, 2024**, at the main office of Aruba Ports Authority N.V.

Regarding this project, an information meeting will be held on **April 15, 2024**, at **10 hrs. local time** at the main office of Aruba Ports Authority N.V. (APA)

The memorandum of the information meeting will be available on **April 16, 2024**, to all who have purchased the tender documents.
Your proposal should be submitted in a sealed envelope on **April 23, 2024**, between **9:00 am and 11:00 am local time** in the box located at APA's head office building located at L.G. Smith Boulevard 23.

The tenderer must submit the following requirements with his tender:

- The proposal (a filled registration/ specification of tender sum annexed to the tender document)
- A valid copy of the company's Chamber of Commerce registration.
- Copy of ID of Managing director of the company.
- A list of subcontractors to be engaged. If none, it should be stated in a letter.
- Letter of good fiscal conduct issued by the “Departamento di Impuesto (DIMP)”
- Letter of good conduct of the managing director from the public prosecutor's office. (Openbaar Ministerie)
- Statement of the Court of first instance of Aruba (Gerecht in eerste aanleg van Aruba) that the tenderer is not in bankruptcy (faillissement) or in suspension of payments (Surseance van betaling)
- All documents required in the Terms of reference tender conditions at para graph 101.1 available on the web site www.arubaports.com


CHAUFFEUR TA SALI FOR DI ROTONDE PARADERA PERDE CONTROL Y A BAY DAL RIBA TRAFICO CONTRARIO



Diamars mainta a drenta informe di un accidente cu hende herida banda di rotonde Paradera, mesora a dirigi tanto polis como ambulans na e sitio.

Na yegada di e patruya a bin compronde cu e chauffeur di e Toyota MarkX a perde control bay banda robes di e caminda y a bay dal riba un Daihatsu Terios di direccion contrario.

Debi na e impacto un dama a herida su man, na yegada di e ambulans nan a atende e victima pero e no tabata desea di bay hospital cu ambulans.



Parlamentario Marco Berlis (MEP) parti 2;

GOBIERNO A DECRETA LUNA DI APRIL COMO LUNA NACIONAL CONTRA ABUSO DI MUCHA

Luna di april a wordo decreta pa gobierno como e luna nacional contra abuso di mucha. Esaki riba su mes ta algo historico, pero sigur no algo cu ta asombrami, pasobra Gabinete Wever-Croes I-II ta e gabinete cu mas a haci contra abuso di mucha den e historia di nos pais. Esaki mi a cuminsa splica, den e prome parti di mi articulo riba e mesun tema, y riba cual mi ta bay elabora awor. Pa via cu ta hopi logro tin riba e tema di abuso di mucha, mi mester a traha dos articulo pa informa pueblo debidamente. Un cos si ta keda preocupante, ora mi wak con algun persona y politico ainda tin e curashi di bisa cu nada a wordo haci pa gobierno contra abuso di mucha. Sea nan ta gravemente malinforma of un biaha mas ta haci uso di plataforman social y di prensa pa sigui malinforma pueblo. Pa nan tur y pueblo, mi ta sigui informa pueblo corectamente

mentionando e tantisimo logronan, hechonan y pasonan cu gobierno a tuma contra abuso y abuso sexual di nos muchanan.

Logronan contra abuso di mucha

- MOU entre ful e cadena di expertonan, caminda ta garantiza cuido psicologico pa e victima y tambe un psicologo pa guia e interrogacion. Di e forma ey e caso presenta ta mas solido;
- “Vertrouwensarts”, a apunta medico forensico y ta specialisando den e materia;
- Optimalisa Investigacionan; pa por accelera e investigacionnan, y pa nan ta di calidad mas halto a tuma e sigiente pasonan;
- Interrogacion ‘studioverhoor’: a certifica zedenrechercheurs y psicologonan pa studioverhoor di menornan di edad;
- A busca tur material nobo pa inrichting di e studioverhoorruimte;
- Ministerio Publico tambe a

bin cu un guia nobo pa maneha caso di agresion sexual;

- ‘Recherche psycholoog’ ta den preparacion y entrenamiento;
- A hisa e castigo maximo na juni 2020;
- Delito sexual no ta caduca.

No ta importa cuanto tempo a pasa, si tin prueba, e abusador lo haya su castigo.

Nos Gobierno lo sigui traha hunto cu profesionalnan pa bringa e abuso aki. Sinembargo, tin un problema hopi serio cu ta frustra practicamente tur e trabou di Gobierno y profesionalnan. Ta conoci cu 99% di abuso sexual di mucha, e abusador ta famia of un conoci di famia. Un persona hopi yega na e famia cu e mucha ta confia. Solamente den 1% di e casonan, ta un persona totalmente desconoci. Pesey nos kier conscientiza pueblo, pa nos por combati e abuso contra nos muchanan, nos tur mester hacie. Nos por cuminsa pa evita 99% di e



casonan aki door di wak miho cu ken nos ta laga nos yiunan y reconoce e señalnan den e mucha of den esunnan cu ta wak pa e mucha. Di e forma aki pueblo, cada un ta keda bon informa di e pasonan cu gobierno a tuma pa protege nos yiunan di abuso. Ban sigui cuida y protege nos yiunan. Ban conscientisanan mas riba e tema aki y tuma pasonan concreto pa cuida e yiunan cu Papa Dios a confia nos cu ne. Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

Minister Endy Croes:

A FIRMA UN ACUERDO CU KONINKLIJKE NEDERLANDSE BASEBALL AND SOFTBALL BOND

Team Kingdom of The Netherlands lo hunga na Aruba dia 29 di october pa 4 di november 2024.



: Diaranson mainta, Baseball and Softball Minister di Enseñansa Bond (KNBSB) Sr. Stefaan y Deporte Endy Croes Eskes a firma un acuerdo, hunto cu director di unda Team Kingdom of the Netherlands lo

hunga tres (3) wega na Aruba, dia 29 di october pa 4 di november 2024. Durante Conferencia di Prensa di Gobierno di Aruba, presidente nobo di Amateur Baseball Bond Aruba (ABBA) Sr. Kevin James, kende ta forma parti di e comision organizado a elabora riba su vision encuanto baseball di Aruba y a gradici e mandatario di Deporte pa sostene e disciplina di baseball na Aruba.

Aruba Tourism Authority (ATA), Fundacion Lotto pa Deporte (FLPD), Stichting Sportsubsidie Aruba (SSA), Fundacion Facilidatnan Deportivo (FFD), Instituto Biba Saludabel y Activo (IBiSA), Aruba Sport Unie (ASU), Double Down Sports Bar & Grill Restaurant na Eagle

Resort Aruba y tur cu a haci esaki posibel.

Minister Endy Croes ta invita Pueblo di Aruba pa bin apoya e hungadonan den Kingdom Series 2024. Den union ta logra cosnan grandi pa deporte di Aruba.



-Chicken ala parilla
-Lasagna di galiña
-Steak den sauce crioyo
-Fish fillet (grouper)
-Kool stoba cu speribs

MINIBOX

Corned beef cu funchi of aroz

Oké take away **santa cruz 36**

746-3571 -565-3232

Team Kingdom of the Netherlands ta consisti di e miho hungadonan profesional di Hulanda, Curaçao y Aruba y lo competi den Premier 12 di World Baseball Softball Confederation, cual lo tuma luga na Mexico, dia 10 pa 14 di november 2024. E 12 miho paisnan cu a keda selecta e aña aki ta entre otro, Merca, Mexico, Colombia, Venezuela, Puerto Rico, Republica Dominicana, Hapon, Korea, Cuba, Panama y Kingdom of the Netherlands. Finalmente, Minister Endy Croes a gradici



ARMONIA
Y BELLEZA SALON & SPA

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:
☎ # 5684142 (WhatsApp)
✉ armoniaybellezasalonspa@gmail.com
📍 Shiribana 12 b, Aruba

Prome Minister Evelyn Wever-Croes:

CORONACION RASHIDA SCHMIDT COMO MISS SUPRANATIONAL ARUBA

Pa prome biaha Aruba lo participa na e certamen aki



Recientemente Prome Minister Evelyn Wever-Croes a efectua e acto di coronacion di Miss

Supranational Aruba 2024, señorita Rashida Schmidt. Esaki ta e prome biaha cu Aruba ta participa na e certamen di Miss Supranational 2024 cu lo tuma lugar dia 6 di Juli na Polonia.

Rashida Schmidt ta un estudiante di ley na Universidad di Aruba. Un mucha muher bunita, inteligente, y hopi bon prepara pa e certamen aki. Unda cu Aruba participa semper tin espectativanan hopi grandi y sigur Rashida

lo ta un digno embahadora di Aruba den e certamen aki.

Prome Minister a expresa cu ta un honor y placer pa efectua e acto di coronacion di e prome Miss Supranational Aruba y cu e ta admira e dedicacion di e organisacionnan cu ta prepara candidatanan pa certamennan asina. E trabou ta grandi ya cu mester prepara e candidatanan cu abilidadnan y conocimiento cu nan mester di Aruba y riba hopi otro tereno.



“Mi tin un respet enorme su dilanti prome cu e pa candidatanan cu ta certamen y sigur pa e prepara nan mes pa certamen mes cu lo tuma lugar na luna di Juli”, Prome Minister a termina di exito cu e lunanan bisando.

Minister Dangui Oduber

MINISTER ODUBER TA HOPI SATISFECHO CU RESULTADONAN POSITIVO PA CU FONDO ANUAL DI AZV, DESPUES DI HOPI DECADA AZV TA SERA AÑA 2023 CU UN SURPLUS

Diamars mainta Minister di Turismo y Salud Publico Sr. Dangui Oduber a reuni cu director di Organo Ehecutivo di AZV, ir. Edwin Jacobs pa ricibi e cuenta anual di 2023 di e fondo di AZV. Ta despues di hopi decada AZV ta logra sera su año cu un surplus cu ta garantisa inversion di miyones di florin cu lo wordo inverti den cuidado medico den e proximo añanan nos dilanti.

AZV a indica un aumento di entrada danki na e crecimiento impresionante di nos turismo, e fondo di AZV su entradanan na prima y na BAZV a conoce un aumento.

Ademas, AZV a logra financia cierto inversionnan importante

den cuidado cu a keda posponi pa motibo di pandemia y den Juni 2023 a firma un acuerdo di e zorgakkoord cual un di e temanan ta inversion pa reenforza e prome liña di cuidado. Minister Oduber ta orguyoso di por haci inversionnan den cuidado y ta anuncia cu despues di hopi año a inverti 13,5 miyon florin cu a keda reparti di e siguiente forma:

- Hospital 5,1 miyon
- Imsan 4,1 miyon
- Stichting BOB 1,8 miyon
- Respaldo 1,0 miyon
- 1,4 miyon den estudio pa e POHnan, plataforma di estudio pa dokternan di cas, desaroyo di Aruba Health app y desaroyo di e cuadro financiero multi anual.

Minister Dangui Oduber ta expresa



su satisfaccion pa e recuperacion rapido di e fondo despues di pandemia y e fortificacion cu ta tumando lugar y e compromiso di como ministerio di turismo pa sigui percura pa e entradanan necesario pa e fondo wordo inverti pa e mehoracion den e sector di cuidado na Aruba.

Finalmente, Minister Oduber ta gradici AZV y su team pa e forma diligente di maneha e gastonan y ta expresa cu ta importante pa sigui contribui na e sostenibilidad financiero di e seguro medico, garantizando acceso na cuidado di calidad pa nos aseguradonan awe y den futuro.

Minister Dangui Oduber Minister Dangui Oduber

MEHORANDO ACCESIBILIDAD, CUIDO Y SERVICIO



Diamars atardi Minister Dangui Oduber tawata invitado na Imsan pa apertura di HOED na San Nicolas. Ta cu gran placer y entusiasmo Minister Oduber a atende e evento aki pa musta e compromiso cu e tin ma mehora calidad di cuidu y servicio. HOED lo bay yuda fortifica e prome liña di cuidu na Aruba. E ocasion special aki ta significa un paso padilanti den ministerio di salud su compromiso pa mehora e calidad di servicio di cuidu di salud disponibel ariba nos pais.

Na Juni 2023 a firma un acuerdo di cuidu (zorgakkoord) cual un di e temanan importante tawata pa reenforza e prome liña di cuidu. HOED lo reenforza e prome liña



di cuidu y trece mas accesibilidad na nos pashentnan cu mester di e cuidu y lo amplia e capacidad pa sirbi mas pashent. Asina aki lo demostra cu esfuersonan continuo di tur den salud publico ta pa keda vanguardia e calidad di cuidu na Aruba cu innovacion y exelencia medico.

Minister Dangui Oduber tawata tin e oportunidad di hiba palabra unda e la menciona cu pe ta un honor pa como Minister di Salud Publico presencia e logro aki. E la menciona cu sigur e resultado lo ta un impacto profundo di un servicio di calidad halto cu lo wordo ofreci na e aseguradonan pariba di brug.

HOED cu ta “Huisartsen Onder



Een Dak” lo bai ofrece servicio consistiendo di 5 docter di cas, 3 docter assistant, 1 POH y un VP. Minister a expresa aprecio profundo pa e dedicacion y contribucion di cada trahado na Imsan. E compromiso cu ta keda demostra unda cada pashent cu ta pasa door di e portanan di Imsan ta ricibi un tremendo servicio y trato medico ta alinea perfectamente cu e vision di ministerio di salud, pa un pais mas inclusivo, inovativo y avansando e servicio di cuidu.

E apertura di HOED a demostra un otro accion concreto di minister pa introduci algo nobo pa Aruba su cuidu medico. Di e forma aki ImSan ta amplia su servicionan pa nos comunidad. E



ultimo 10 simanan a traha hopi duro pa prepara e oficinanan pa nan ta operacional. Un biaha mas minister Oduber a confirma cu accionan concreto e compromiso cu e tin pa eleva e calidad di cuidu medico na Aruba.

Minister Oduber a termina su speech dunando felicitacion na Imsan pa yega na un otro logro impresionante y a desea Imsan hopi exito. Na mes momento Minister a gradici tur e docternan cu ta bay cu pensioen, danki na dr. Geerman-Tromp, dr. Every, dr. Lunchman y dr. Boderie. Un palabra di profundo gradicimento pa nan servicio y dedicacion na tur añanan di trabou.

TRAHADORNAN DI HOTEL A BRINGA CU OTRO DESPUES DI TRABAO DILANTI HOTEL DEN PRESENCIA DI TURISTANAN



Dialuna anochi a drenta informe di un pelea cu cuchiu dilanti un hotel highrise na Palm Beach, mesora a dirigi un patruya

na e sitio. Na yegada di e patruya a bin compronde for di testimonian cu e trahadornan a bringa y un a saca cuchiu y un a core

bay pero e otro cu cuchiu a caba di subi bus cu tabata bayendo. Polis a bay tras di e bus y a baha e bringado polis a bin haya un cuchiu den su poder y como cu e tabata involvi den e pelea y tabata tin un cuchiu den su poder polis a detene.

Den tur e proceso cu polis tabata atende cun'e e sospechoso a insulta e polisnan den e forma di mas mahos cu tin cu un sin fin di palabranan malo cu por tin.



Chauffeur burachi a tuma caminda aden pa evita polis par'e a hay'e toch cu polis a par'e



Dialuna atardi un chauffeur burachi pa evita polis par'e a dicidi di tuma e caminda paden entre Sa-

bana Basora cu Rooi Taki. Pero pa su mala suerte polis tambe tabata controla riba e caminda ey y a par'e

toch. Polis a nota di leu cu e chauffeur tabata muera di ta bao influencia y a par'e. Ora a

pone supla pa test esaki a surpasa e limite permiti y a detene. E vehiculo di transporte

pa detenidonan a presenta y a bay cun'e pa warda di polis.

Conta cuenta na Casnan di nos Grandinan



Un team bon motiva y entusiasmo bou coordinacion di bibliotecaria Yosmar Maduro-Sneek ta bishita diferente cas di nos Grandinan riba nos isla e luna aki y na mei y juni 2024. Biblioteca ta presenta 3 persona bon conoci pa conta storia. Nan ta sra. Betty Goeloe (ex-bibliotecaria), Gerry Franca (autor) y sr. Clifford Rosa (coordinador Fundacion Rancho Aruba). Presentacion musi-

cal ta den man di Sonrisa Tropical, Hélène Arends y Grupo Zjilea.

Sr. Gerry Franca ta autor di bukinan pa mucha, 'Carlito ta bay keiro', 'E storia di Carlito y e tapadera', 'Penchi : e conenchi cu su skeiro di djente'. Sr. Gerry Franca y Clifford Rosa lo comparti historia di 200 aña Oranjestad cu lo wordo celebra na augustus 2024. Sra. Betty Goeloe a traha na Biblioteca Nacional Aruba pa hopi

aña, e.o. den Dept Catalogus y Arubiana. Den cuadro di '75 aña Trabou di biblioteca na Aruba', sra. Betty Goeloe a wordo invita pa conta historia di biblioteca na Aruba.

Tur aña biblioteca ta organisa su proyecto 'Conta cuenta na Cas di nos Grandinan'. Pa 3 luna ta bishita na total 12 biaha un cas hunto cu 3 escritor local pa deleita e publico presente cu storia bunita y unico.

Despues di e prome parti cu ta e presentacion di e autor, biblioteca a sigui cu Grupo Sonrisa Tropical, cu lo deleita nos Grandinan cu musica di Aruba. Hunto cu team Media ta presenta un bunita mainta pa nos Grandinan.

Esaki ta e di 15 aña cu ta presenta e programa na nos grandinan cu ta biba den e diferente Cas pa nos



Grandinan manera e.o. Paviljoen San Pedro, Huize Maris Stella Savaneta, SABA San Nicolas y Cas Marie Savaneta. Ta percura pa documenta e presentacionnan aki pa medio di filmacion y potret. Service

club 'International club of Quota Aruba' ta duna sosten financiero pa e proyecto. Diamars mainta 25 di juni ta e ultimo presentacion pa 2024 y ta celebra e clausura cu tur 3 participante.

FORTALEZA PA FAMILIA

Scirbi pa Pastor Marcel Balootje.

NO FALTA RESPET PA DIOS

Tur momento cu nos kier haci algo contra boluntad di Dios, nosta falta respet pa Dios, sea ta algo chikito of algo grandi, e lo tin su consecuencia den nos bida. Pasobra den tur cos cu nos ta haci nos tin cu puntra nos mes, si e cos ta bale la pena y si e ta honra y agrada Dios.

Especialmente ora nos tin tuma decision pa nos cas y nos famia, nos pais, nos hubentud, pasobra nos ta depende di Dios y no di nos mes.

Tin un plan di diabel ta moviendo fuerte rond mundo, y esey ta pa hende no reconoce Dios y asina cay y permanece den scuridat.

Y e unico forma pa hende por logra vence e diabel, ta di somete nan mes na Dios.

Ta un lucha hopi grandi tin y solamente esnan cu fiha nan wowo riba Dios, y mantene nan curason fiel na Dios, lo por vence e plannan di e enemigo.

Hopi hende ta fria manera e palabra a avisa nos den Mateo 24, pasobra nan curason ta anhele mas cos di mundo, cu cosnan di Dios, y door di esey nan ta falta respet pa Dios.

Respet pa Dios no ta religiosidad, respet y temor di

Dios ta un forma di bida, cu ta agrada Dios.

Na prome lugar ta bini Amor di Dios:

Dios ta amor, y esun cu ta permanece den amor, ta permanece den Dios, y Dios ta permanece den dje.

Pa medio di esaki amor ta wordo perfeciona den nos, pa nos por tin confiansa den e dia di huicio, pasobra manera E ta, asina nos tambe ta den e mundo aki. Amor no conoce miedo, pasobra miedo tin di haci cu castigo, y esun cu tin miedo no a wordo haci perfecto den amor. (1 Juan 4:17-19).

Respet pa Dios:

Pesey, como cu awor nos tin e promesanan aki, stimanan laga nos purifica, nos mes di tur impuresa di carni y spirito y asina perfeciona nos santidad den e temor di Dios. (1 Corintionan 7:1).

Huy for di inmoralidad. Tur otro pica cu un hende comete, ta pafo di e curpa, ma e hende immoral ta peca contra su mes curpa. Of boso no sa cu boso curpa ta e tempel di Spirito Santo kende ta den boso. Kende boso tin di Dios, y cu boso no ta pertenece na boso mes. Pasobra boso a

wordo cumpra pa un preis: pesey glorifica Dios den boso curpa. (1 Corintionan 6:18-20).

Reverencia na Dios:

Aspira pa tin pas cu tur hende, y santificacion, sin cual ningun hende lo mira Señor. Hebreonan 12:14.

Mira pa boso no rechasa Esun cu ta papia. Pasobra si esey nan no a scapa ora nan a rechasa esun cu a spierta nan riba tera, cuanto menos nos lo scapa, si nos bira bay for di Esun cu ta spierta nos for di cielo.

Pesey, como nos ta ricibi un reino cu no por wordo sacudi, laga nos muestra gratitud, pa medio di cual nos por ofrece na Dios, un sirbishi aceptabel cu reverencia y temor. Pasobra nos Dios ta un candela consumidor. (Hebreonan 12:25-28-29).

Si bo pone bo mes disponibel pa yuda esnan cu tin hamber, y satisface e deseo di esnan aflihi, e ora ey bo lus lo sali den scuridat y bo tiniebla lo bira manera merdia. (Isaias 58:10).

Respet pa Dios no a bay for di moda, y nunca lo bay for di moda pa esnan



cu ta stima Dios.

Un Famia cu tin respet

pa Dios, semper lo ta un famia bendiciona y semper lo ta uni.



HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE

RANCH (MATIVIDIRI 60)

CHAPI Y VERF HANDY MAN

Nos ta haci tur sorto di chapi y verf cas, edificio, school.

Nos ta tira sushi afo.

Cel: 561-1397



Ladronnan ta birando activo den area di Paraguana y vecindario



Diamars mainta a drenta informe di un caso di destruccion na Paraguana, mesora a dirigi un patruya na e sitio. Na yegada di e patruya a bin compronde cu desconocidonan a kibra e bentana drenta den e auto pero como no a haya nada di balor nan a bay for



di e sitio. Polis a traha rapport di e susedido aki pero a keda di busca e video di camaranan di seguridad

cerca pa asina busca purba wak ken ta e destructor aki.



Na Hato un accidente a tranca e trafico bayendo abao den oranan di mainta



Diamars mainta a drenta informe di un accidente na Hato, mesora a dirigi un patruya na e sitio debi cu e trafico tabata basta tranca.

Na yegada di e patruya a bin compronde cu aki ta trata di un accidente unda e dama chauffeur di un Nissan Tiida no a regula

su velocidad ni a mantene distancia a bay dal tras di Honda Civic su dilanti. Afortunadamente ningun hende a resulta herida. Pa Alivia e trafico debi cu TRS a tarda pa yega polis a marca e sitio di e susedido y a hala e autonan na banda pa e trafico por sigi pasa trankilamente.

Nando Chirino new single Turn Your Lights Down Low-1

Despues di su cover songs 'To Love Somebody' y 'Ain't no Sunshine', e artista vocalista Nando Chirino ta lansa un otro cancion romantico den e genero kompa. E tema ta hiba e titulo di 'Turn your lights down low', un cancion di Bob Marley & The Wailers for di nan album di 1977 Exodus". E ta un slow reggae, tocante un anochi romantico di Bob Marley. E cancion aki ta keda un faborito den reggae, y awor un cover den e genero kompa presenta pa Nando Chirino. Den e ultimo dos añanan Nando tabata hopi exitoso cu su cancionan 'To Love Somebody' cu ainda ta resona bon na radio emisoranan y den fiestanan toca pa nos DJnan y bandanan local y tambe 'Ain't no Sunshine' ambos cancionan cu a sa di score halto den e top charts na Aruba, Corsou, Boneiro y Suriname.

Nando Chirino ta trese cover songs, evergreen den e estilo kompa cu ta masha gusta pa hoben y adulto y ta trahando riba un EP estilo kompa di cancionan clásico, cover songs, y e cancion nobo aki ta e di tres tema cu lo forma parti di su EP. Nando ta hopi contento y agradecido, en especial na e Pueblo di Aruba pa e support pa acepta su cancionan den e genero kompa.



Turn Your Lights Down Low (Kompa Version)

Nando Chirino

Areglo di e tema nobo aki 'Turn your lights down low' a wordo hasi pa Mark Maduro (Markkeys) y pa Stanley Clementina, e final mix/master a wordo hasi pa Sean Cannister, e recording studio ta Steez Music na Hulanda, y e videoclip a keda na encargo di S.O.G. Twan Productions. Por disfruta di e cancion 'Turn your lights down low' (version kompa) riba e plataforma di YouTube, y tambe por scucha e tema aki riba diferente otro plataforma digital manera; 'Spotify, Apple Music y Distrokid'.

Un tremendo teamplayer y colega profesional cu semper t'ey Rosana Klepper ta HOH su empleado di luna di maart



Rosana a kere cu ela yega bek su departamento pa sigui traha trankil pero na lugha di esey ela topa cu sorpresa grandi di mira su famia, diferente colega y Hunta di Directiva presente. Mientras ela bay magazijn coleganan a decora y prepara pa ora e yega bek topa cu e bunita sorpresa aki cu a lage emocionada y sin palabra. Prome palabranan cu a uza ora di e nombracion ta: "Sin Rosa-

na e departamento no ta draai." Tur luna Horacio Oduber Hospital (HOH) ta reconoce un colega cu a resalta y pa luna di maart Rosana Klepper, secretaria di departamento di cuido A2 a sali empleado di luna.

Tur colega cu bo puntra lo bisa cu Rosana ta un tremendo teamplayer. E tin contact cu tur hende y na mita di bo palabranan ya

caba e sa kico e tin cu haci. E ta traha super bon cu su coleganan sin importa cua disciplina of departamento. Tur hende ta durf di puntra Rosana cualkier cos, sea cu ta colega, bishitante, pashent of colega di otro departamento. Rosana ta un persona trankilo cu semper un trato excepcional cu hende ta sinti nan mes bonbini. Ademas, Rosana mes ta tuma iniciativa y ta puntra si por



yuda cu algo. E ta duna bon splicacion y si e no sa e contesta e ta busca esaki mas lihe posibel. E tin bon comprension y semper ta purba yega na solucion, hasta den su tempo liber.

Durante e pandemia di COVID, e candela cu a surgi na HOH, y durante mudamento di e departamento su profesionalidad a resalta. E ta para cla y dispuesto pa yuda cu cualkier cos sigurando cu tur trabou ta keda completa prome cu bay cas y hasta ta dispuesto pa bin den su tempo liber pa trabounan keda cla. E ta un colega cu sa kico e mester haci y con. Ademas, e semper sa inmediatamente ken pa acerca pa por yud'e y cu kico. Su ehecucion di trabou ta tremendo y na ora. Nada mester wordo ripiti. E ta informa y in-

volucra esnan cu mester y sa tur proceso di trabou fe su cabes. E ta un persona stricto, confiabel y ta tene su mes na confidencialidad. Su coleganan no gusta ora Rosana tuma liber.

E ora pa logra regla cosnan e ta dura mas largo y e departamento no ta draai manera normal. Ora e no t'ey tur hende ta puntra: Unda Rosana ta?

Rosana a demostra di ta un sosten grandi pa su departamento y su nombracion sigur ta demostra e valor cu e tin pa HOH y merecidamente e ta empleado di luna. Hunta di Directiva, management y coleganan ta hopi contento di tin Rosana den e team. Pabien Rosana cu e tremendo reconocimiento aki!

Homber a bay nightclub pa busca problema cu su ex y e pareha nobo di e ex

Diabierna Santo madruga a drenta informe di un problema na un nightclub na Tanki Leendert, mesora a dirigi un patruya na e sitio.

Na yegada di e patruya a bin compronde cu un homber a bay busca prob-



lema cu su ex y e pareha nobo di e ex. E homber a agredi e pareha nobo di-

lanti algun persona presente y nan a bati alarma. Polis a topa cu e homber y



a detene pa maltrato di e pareha nobo nobo di su ex.

Lider di AVP, mr. Mike Eman:

AVP LO AUMENTA PENSIOEN
CU POR LO MENOS 50%



Riba un pregunta di prensa e lider di AVP, mr. Mike Eman, tabata hopi enfatico y categorico: un gabinete di AVP lo aumenta pensioen di nos grandinan cu por lo menos 50%. Eman a enfatisa cu esaki no ta cuestion di un gesto, pero cu ta un ‘must’. E ta substancia esaki cu e cifranan cu ta muestra cu e pensioen actual ta keda leuw for di suficiente pa por alacansa e minimo cu un pensionado soltero of pareha mester pa sobrevivir.

Durante un entrevista e siman aki, lider di AVP mr. Mike Eman a pasa brevemente door di historia pa muestra con AVP semper a sali na defensa di e derechonan y bienestar di pensionadonan na Aruba. E situacion penoso cu mayoria di pensionado tin cu biba aden awor aki ta un inhumana y un berguensa pa nos pais. Pesey AVP lo actua cu e mesun sentido di responsabilidad pa nos hendenan y cu e mesun voluntad pa bin cu solucionnan concreto pa pais y pueblo y cambia e situacion inacceptable aki cu miles di pensionado ta forsa pa biba aden.

REDOBLACION DI PENSIOEN

Mr. Mike Eman a conta con e situacion di pensionadonan tabata ora su ruman major Henny Eman a bira prome minister di Aruba na 1994. Henny a laga haci e prome estudio tocante “bestaansminimum” o sea e suma di entrada cu hende tin mester di dje minimalmente pa por biba aki na Aruba. Danki na e investigacion ey Henny Eman por a demostra cu e pensioen di nos grandi no tabata alcansa pa nan biba di dje y cu mester a - por lo menos - redobla e suma di pensioen di behez. Y ela redobla e pensioen di nos grandinan!

Mike Eman a sigui splica cu un adulto mayor, mescos cu un mucha, ta entre esnan mas vulnerabel ora nan no tin suficiente placa pa biba un bida digno. Nan no por traha y ta dependiente di otro. Si nan no tin un sosten di un famia, nan ta pasa den sufrimiento y miseria. Segun Eman, esey ta loke e ta wak y tende unda cu e bay rond di Aruba. Loke ta haci e situacion aki pio ta cu cada bez tin mas hende ta bisa di ta den e situacion di falta cronico di hopi placa pa cubri nan gastonan basico y cu gobierno di Aruba pa hopi

aña caba no ta haci net nada pa cambia e situacion aki den cua ya miles di hende y famia ta aden.

AUMENTO SUBSTANCIAL
TA UN MUST ATROBE

“P’esey loke nos ta bisa no ta un promesa politico. E ta un escogencia. E ta un mester.” Asina e lider di AVP a bisa bon cla. A punta Mike Eman di unda Bo ta saca e placa pa paga pa esey? Mike Eman: “Bo tin cu wak unda bo ta corta y Bo tin cu fiha prioridadnan cu ta na interes di henter Bo pais y pueblo. Especialmente di esnan den un situacion critico manera nos pensionadonan ta awor aki. Pero no por ta asina nunca cu tin 500 milyon florin extra ta drenta caha di gobierno y gobierno actual no ta ni pensa pa sikiera redobla e reparatietoeslag di nos pensionadonan. It’s a must. Mester a haci e caba. Pero nan tin otro prioridad. MEP no kier haci e. AVP si ta bay haci e.”


Mike Eman: “Si Abo como gobierno no por percura pa su grandinan tin un entrada pa nan por biba den un forma digno y sin e preocupacion si nan ta come mayan of cu nan tin awa y coriente, Bo no merece di ta gobierno,” asina Eman a declara. “P’esey Bo ta gobierno. E gobierno cu Aruba tabata tin 7 aña pa wak kico pa haci pa nos grandinan. Pero nan no a haci net nada. Pesey nos pensionadonan ta biba den pobreza den nan propio pais y e gobierno ta gaba cu e si tin un surplus riba presupuesto y cu segun e cos ta bay bon na Aruba. Esta un berguensa.”

DAY AFTER EVELYNE

WEVER CROES
PENSIONADONAN LO
CONOCE MEHORACION

Mr. Mike Eman: “Dia cu pueblo di Aruba a pone AVP den gobierno, nos a drecha fondo di pensioen sin keha cu MEP a casi lagu’e bay bancarota. Nos a percura pa tur hende tin un miho entrada sin keha cu MEP a bolbe negligisha pueblo menos nan mes. Nos a drecha scolnan, cayanan, barionan y centro di ciudad sin keha cu MEP a laga nos pais na ruina. Awor atrobe e gobierno di MEP ta negligisha nos pais y lagu’e atrobe na ruina.

Mescos cu nan ta haci cada biaha cu nan ta den gobierno.” Mike Eman a declara enfaticamente: “Ora cu nos drenta gobierno atrobe, nos lo mester bolbe drecha un cantidad di cos cu MEP a bolbe daña y negligisha. Y nos lo drecha e situacion pa pensionadonan. Pasobra no ta husto pa tur e pensionadonan aki ta bida den miseria y preocupacion den nan propio pais y gobierno ta gaba cu e tin surplus di placa, pero no ta us’e pa drecha nan entrada. AVP si lo uza e surplus di gobierno pa duna tur pensionado un entrada husto atrobe.”



8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Polis a bay casino pa un homber cu a bira onsportief y tabata grita insulta tur hende

Diabierna Santo madruga a drenta informe di cu tin un homber cu a bira onsportief y tabata insulta tur hende, pa cos no bira pio a yama polis, mesora a dirigi un patruya na e sitio. Na yegada di e patruya a bin compronde cu e homber lo a bira onsportief pasobra e tabata perde y perde pero nada di gana y a cuminsa insulta e trahadornan y otro hende. E personal di e casino a purba papia cun'e pa e calma pero no tabata logra. Pero despues cu polis a papia cun'e ela reflecciona y asina e casino a lag'e keda den e lugar basta cu e comporta.



Clasificados

SOLODIPUEBLO@GMAIL.COM
CEL. 585 9500

MARAVILLAS DE LA FE

Salud Suerte - Amor

Aruba: 748-5671
Cartas di tarot

Bo ta sufrí di un malestar cu bo no por cura?
Bo ta victima di bruheria?
Bo plaka no ya jega?
Bo compra numbernan y bo no ta gana?
Bo ta bai casino y no puede tur bo plaka?
Bo tin problemanan di amor?
Bo pareja ta ganiabo?
Fracaso. Soledad. Malesanan angustia. Mala suerte
Comunica na 748 5671

Polis a bay Grillhouse pa controla hunto cu e doño pasobra alarma a bay on



Diabierna Santo madruga a drenta informe di cu e alarma di Grillhouse a bay on y e doño tambe a bay na e sitio pa controla.

Na yegada di e patruyanan nan arevisa e restaurant pero no a encontra cu nada fuera di lo normal y tur cos tabata intacto.

ORACION DI DIA

Un dia fructifero colma cu hopi bendicion di Dios

"Ma algo tabata stroba nan bista, di moda cu nan no por a reconoc'E" Lucas 24,16

Hesus ta aparece na dos discipel cu ta na caminda pa Emaus. Riba caminda pa Emaus, Cleofas y otro discipel nan wowo tawata tapa y scur door di tristeza di loke a pasa cu Hesus na Herusalem, p'esey nan no por a reconoce Hesus na prome instante, pero mas laat y mientras Hesus tawata come hunto cu nan y El a coge e pan, gradici Dios, kibr'e y duna nan. E ora nan wowo a habri y nan a reconoce Hesus. Hesus resucita ta sali na encuentro di Su siguidonan cu ta experimenta dificultadnan y ta perdi sin futuro. Durante di Su ministerio terenal Hesus a muestra amor pa Su prohimu, ora E tawata bendiciona y sirbi pobernan, enfermonan y afligidonan. Hesus no ta un stanhero den nos caminda, pero Hesus crucifica cu a Resucita y ta busca nos. E conoce nos y ta stima nos. Den nos propio caminda pa Emaus, Hesus ta invita nos pa bin cerca dJE y pa nos sinti goso cu n'E. Nos mester invita Hesus pa keda cu nos. Nos mester renoba nos Fe den dJE cu oracion diario y honra Escritura. Asina semper Hesus ta cerca nos.

Oracion: Mi Señor y mi Dios, pa semper mi keda puntra pa Bo Señor, acudi na Bo poder y cu mi keda busca Bo cara Sagrado. Amen.

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 02 April 2024 Anochi		
CATOLIC Sorteo # 8208 5395 6932 2731 X2 BIG 4 Sorteo # 7252 7471 X2 OFF Sorteo # 1957 7918 ZODIAC Sorteo # 6011 7065 Aquario LUCKY 3 Sorteo # 941 169 X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 170.000,-	LOTTO DIA Sorteo # 6432 Proximo Jackpot 0 x Jackpot 5 x Match 4 200 x Afl. 8,00 88.000,-
	MEGA Sorteo # 1650 0 x Jackpot 0 x match 4 2 x Afl. 500,00 42 x Afl. 50,00 58 x Afl. 15,00 330.000,-	MEGA BOLA Sorteo # 12 Proximo Jackpot Afl. 430.000,-
	KORSOU Sorteo # 	

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 3 April 2024 Merdia		
CATOLIC Sorteo # 4227 5375 5297 4508 FP BIG 4 Sorteo # 4227 8044 X2 OFF Sorteo # 2283 4225 ZODIAC Sorteo # 4227 7988 Gemini LUCKY 3 Sorteo # 1101 305 FP	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 170.000,-	LOTTO DIA Sorteo # Proximo Jackpot 0 x Jackpot 0 x Match 4 0 x Afl. 8,00 88.000,-
	MEGA Sorteo # 0 x Jackpot 0 x match 4 0 x Afl. 500,00 0 x Match 4 0 x Afl. 15,00 330.000,-	MEGA BOLA Sorteo # Proximo Jackpot Afl. 430.000,-
	KORSOU Sorteo # 	



HOROSCOPE

4 di april 2024

Feliz y productivo diahuebs. Awe Solo di Pueblo ta presenta bo horoscop pa dia 4 di maart 2024.

Aries
Medita bo decisionnan riba e persona ey cu ta interesa bo. Probecha e oportunidadnan cu ta aparece bo dilanti di gana placa. Si bo cambia di trabao no duna e nomina prioridad. Desareglo fisiologico ta acercando si bo no cuida. Number di suerte: 58, 44, 2.

Tauro
Relacion cu e sernan stima ta hopi reconfortante. Scucha e expertonan of lo bo tin problema economico. E criticanan ey n’e trabao aheno no lo beneficia bo. Sano pero cansa, purba di descansa. Number di suerte: 93, 83, 4.

Geminis
Lo bo pasa hopi bon rato cu un amigo di antaño. Posibel perdida di bienes. Si bo desea di ascende den bo trabao, lucha p’e. Haci esfuerso mientras cu bo ta haci digestion no ta bon. Number di suerte: 31, 93, 7.

Cancer
Bo no mester eludi e compromisonan familiar. Sea prudente y gasta di acurdo cu bo posibilidadnan. Momento di responsabilidad laboral. Scapa di tristesa organisando un biahe den grupo. Number di suerte: 69, 56, 8.

Leo
E incertidumbre lo reina den e plano sentimental. Den lo economico, progreso y renobacion. Awe lo

bo tin un bon dia, danki na bo compañeronan. Algun sesion di masashi lo caba cu e tensionnan. Number di suerte: 89, 29, 4.

Virgo
Si bo ta bo so, lo bo disfruta di un aventura sentimental. Purba cu e gastonan no bira di imas, controla nan. Impaciencia por crea problema laboral. E debilidad ey cu ta nota, bo mester vigila. Number di suerte: 68, 19, 4.

Libra
Stima bo mes mas y recupera e autoestima. Cuida bo economia y no haci tanto prestamo. Awe lo bo tin un dia agotador na bo trabao. Lo bo tin e stima sensibel, cuidao cu conoflok. Number di suerte: 57, 38, 8.

Scorpio
Bo pareha lo dedica na bo durante henter e dia. Tene calma, no t’e dia adecua pa inverti. No precipita cu e ofertanan di trabao. Bo estado di animo lo empeora, bandona e caminda ey. Number di suerte: 88, 15, 3.

Sagitario
Lo bo tin oportunidad pa namora, no tene miedo. Lo bo tin problema economico provoca pa un sancion. Posibel problema na trabao. Lo bo tin mester di mayor calidad di bida y no haci tanto exceso. Number di suerte: 16, 76, 9.

Capricornio
Sensualidad awe t’e protagonista, disfruta di dje. Percura pa controla e gastonan, bo tin e tendencia pa gasta. Papia di mas

por perhudica bo dilanti bo hefenan. Tristesa por influencia den bo estado fisico. Number di suerte: 23, 93, 6.

Acuario
Jaloezie lo aparece den bo relacion. Bo no tin reparo pa gasta mas, lo bo recuper’e pronto. Impulsividad no ta bon pa papia cu e hefenan. Cuida bo cuero contra agente externo. Number di suerte: 31, 86, 5.

Piscis
Mal dia pa aclaria duda sentimental. Bo intuicion lo yuda bo alcanza e exito economico. Dia ideal pa defini bo metanan dilanti bo hefenan. Vision mas positivo di bida y di bo mes. Number di suerte: 18, 28, 3.


Problema di pareha y suegra na Roncado



Diaranson anochi a drenta informe di un problema entre pareha y suegra na Roncado, mesora a dirigi un patruya na e sitio.

Na yegada di e patruya a bin compronde cu aki ta trata di un problema di pareha unda e mama di e muhe tambe ta contra e pareha di su yiu cu ta haci boroto, drift y spin cu su auto.

Ademas e asunto a bira pio ora e homber a bay reverse y a mishi causando un daño chikito na e auto di e suegra. E suegra no kier ni e pareha ni su yiu mas den cas. Como cu e homber a bay for di e sitio caba polis a keda di bay atende cun’e na un otro sitio unda e ta pa regla e daño causa.



PRONOSTICO DI TEMPO

VALIDO TE DIAHUEBS 04 DI APRIL 2024,
18:00 ORA
TEMPO:

AWE TARDI Y AWE NOCHI: PARCIALMENTE
NUBLA Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN
AWACERO PASAJERO

POTENCIAL DI AWACERO PA PROXIMO 24
ORA:

1 MM OF MENOS; LOCALMENTE ESAKI POR
TA DIFERENTE.

REGISTRACION DI TEMPERATURA (GRADO
CELSIUS) Y
AWACERO (MM) DEN ULTIMO 24 ORA (8’AM
PA 8’AM):

AIRPORT : MAX 32 / MIN 27 / 0.0 MM
WESTPUNT: MAX 32 / MIN 26 / 0.0 MM
STA ROSA: MAX 32 / MIN 27 / 0.0 MM

PRONOSTICO DI TEMPO PA PROXIMO 3
DIANAN:
PARCIALMENTE NUBLA, CU UN AWACERO
PASAJERO.
BIENTO LO TA MODERA FOR DI DIRECCION
NOORDOOST
TE OOST, BASTA FUERTE TE FUERTE DEN
RAFAGA.
TEMPERATURA (GRADO CELSIUS)

MAX / MIN LO TA: 32 / 26